



ta glorieuse fame par tel Jugement Et iasoit
qu'elle fust digne de telle punition Receuoir.
Toutesfoys cela faisant serois plustost diffame
pour pere cruel que loue pour Juste Roy / tu as
ad iouste foy a trois hommes Franques et de mau
uaise conuersation pour certain Il estoit aussy
Raisonnable dauoir esgard a leur vie que a leur
tesmoignaige tendu que en la court et en quelq
autre part quilz aient hante sont Reputez de tres
mauaise fame eulx consermes avec toute mali
gnite Et tousiours eulx gloufians quant il ont
Relate les deceptions et enregemens qui ont
commis oultre cela. Pourquoy donnes tu plus
de foy a leur tesmoignaige que au Jugement de
dieu Le quel es armes de perseo et de Lariano
sest demoustré. Ne soye le cousteau de ton propre
sang. Car entre les hommes tu seras le plus vi
tupere. Ne vueilles charger de coulpe L innocence
Par le conseil de Lire Et sil te semble que Lau
reolle ne doibue estre sauuee pource que tu es de
bille a ta vertu Neautmoins en tant que toblige
ta condition Royale te supplirois en faueur des
sermons que nous tous sauons faictz et continuel
lement faisons que luy faces grace La preser
uiant de mort. Et pour tant que Les moindres
parolles que les dessus a souffriroient selon ta
clemence pour le faire. Nous ne ten voylons di
re autre chose. Si nest que consideres combie
meilleur seroit que perisse ton Ire que ta
fame et Renommee.